



Bájkkeavijssa NuorttaSálto

Sáme Stájggo

Tæksta: Gunnar Grytøyr
Járggálibme: I dar Kintel

Árran - julevsáme guovdásj, Sálto dávvervuorkká ja Stájgo Sagaspella sihti tjalmostahttet Stájgo suohkana sáme histávrráv. Dáv ájggu dárkkelit tjalmostahttet seminárajn Engeløystua hotellan Stájgon, bajeltjállagijn «Stájggo – Det samiske Steigen» gasskaváhko vuoratjismáno 16 bieje.

Seminárra, mij le aktisasj barggo Sálto dávvervuorkká, Stájgo sagaspella ja Árran – julevsáme guovdátja gaskan, ájggu tjalmostahttet Stájggo le læhkám, ja vilá le guovtekultuvralasj suohkan, sáme ja látte. Tiebmá man birra ij le álov ságastuvvam ja sæhkásij gáhtum ietjá ásijs suohkana histávrrás.

- Jáhkáv Stájgo histávrrá vierti rievdaduvvat boahteájggáj. Sáme oasse le vájkkudam ienebuv suohkana histávrráv gá lip sihtam miededit, aj vikingájgen. Kulturmujo majt dálátjij lip norrønan gáhttjum máhtti sáme kulturmujo liehket, ja dan diehti ihkap sáme kultuvrra le læhkám sæmme ájnas sebrudakávdánibmáj gá norrøna kultuvrra. Dát seminárra le navti lávkke alma guovlluj, ja mán sáavadav álgadimev buorisboahám. Prosjæktajádediddjen Stájgo sagaspellan munji le luondulasj histávrrá-ávdánbuktemijn barggat, ja navti gák mán diedáv de le dásju Lillian Selvik guhti le sáme kultuvrav tjalmostahttam sagaspellan, ja mán ájgov dahkat sáme kultuvrav luondulasj oassen sagaspellás. Navti histávrrá ienep duolla sjaddá, javllá Sidsel Bakke.

Sihkarit Stájgon li læhkám sáme juo ájggá. Stájgo sijddagirjen, I girjen bielijn 37 – 46 ja bielijn 231 – 232, ja II girjen bielijn 79 – 80, Svein Fygle tjállá sáme árronij birra Stájgon juo gassko 1500-jagij rájes, valla aj tsuojggi vánesvuodav gáldojs. Maņep ájgij le aj boahitsuæládus læhkám muhtem sajijn suohkanin, ja



Sidsel Bakke og Eva Ditte Donat

uddni Eira fámillja dájna æládusájn barggá.

- Gássjelis lij gávnnat náginav guhti máhtij 1800/1900 jagij birra subsastit, dalloj sáme gáhtun Stájgo histávrrás, valla jáhkáv lip gávnnam dajt gudi ienemusát dan birra máhtti. Ájnas le oadtjot nav állo diedov gá máhttelis dáj ássij birra, lip dan diehti gáhttjum skávlláásadusáv vaj da aj máhtti oahpásmuvvat Stájgo suohkana sáme histávrrájn, javllá Eva Ditte Donat guhti le Sálto dávvervuorkká ájras Stájgon. Aktisasj barggo álgadibme tjalmostahttjij «sáme Stájgov» bádjij Anne Kalstad Mikkelsenis, ávdánbuktemjunnjusj Árran – julevsáme guovdátjin Ájluovtan.

Sán bivdij Sálto dávvervuorkáv ja Stájgo sagaspellav, luondulasj histávrrá-ávdánbuktema Stájgon, oassálastájtij seminárraj.

- Dán seminára baktu ájggop ávdánbuktet histávrrálasj ávdánimev Stájgon vaj ienep duolla sjaddá gá sáme histávrrá oadtju ietjas luondulasj sajev Stájgo histávrrán. Buorep diehto sáme kultuvrra birra vaddá stuoráp moattegerdakvuodav ja boannod Stájgo sagaspellav, sáme sebrudagáv, Stájgo suohkanav ja Nuortta-Sáltov, tjáleduvvá præssadiedádusán Anne Kalstad Mikkelsenis.

Seminárra ájggu gávvit tiemájt duola dagu ulmusjtjerdalasj gasskavuodajt li vikingájgen, dálusj merrásamij

árronsajijt Stájgon, sáme bájkkenamájt ja boahitsuæládusáv Stájgon uddni. Låg-áddallam aj sjaddá identitehtamálssoma birra, iehpetjiegas máttov ja sierra ulmusjtjerdalasj rájáj birra ja gávvidibmij birra tjanádum jábmemij, nannidum bargojn duola dagu Stájgon. Lågáddalle li arkeologa, historikkára ja ietjá dutke Bådádjos, Rámsás ja Nuortta-Sáltos. Duodden bájkálasj historikkára ja ælloniehkke lahkabirrasijs báhti. Semináras ij majdik dárbaaha mákset, le navku aktan biebmujn, ja le rabás juohkka mielos ulmutjij.

Reinflokk
Knedal, Steigen

